



PER UN TORISME DE MONTANHA SOSTENIBLE E RESPONSABLE ENES PIRENÈUS

Eth Hilat Transfrontalièr Educacion Pirenèus Viui, format per 85 entitats professionaus dera educacion ambientau e dera sensibilizacion entath patrimòni pirenenc, que demoren en França, Espanha e Andòrra, en tot realizar dinàmiques participatiues des de 1997, reafirme, deuant des rèptes presents e futurs dera sarrada, eth besonh d'aufrir un torisme responsable e sostenible enes Pirenèus.

Eth Hilat Educacion Pirenèus Viui ei un actor de plen dret laguens deth sector toristic territorial des de hè ben 25 ans. Es membres d'aguest hilat, ath servici deth patrimòni des Pirenèus, auem demostrat eth nòste saber hèr e ua capacitat creatiua, innovadora e solidària. Defenem ua vision compartida e coerenta deth torisme sostenible entà tota era sarrada e ath madeish temps aplicable locauments. Trebalham en còr des territòris, en contacte permanent damb eth teishit locau, e auem un punt d'enguarda cooperatiu e responsable.

➤ UA TRANSICION ENTÀ UN TORISME RESPONSABLE, VIUENCIAU E INCLUSIU... ECOTORISME

Eth contèxt climatic e es menaces ara diuersitat naturau e paisatgistica des Pirenèus, per un costat, eth besonh de renauir cèrtes aufèrtes e equipaments toristics, per un aute, atau coma es naues expectatiues e perfils des visitants des Pirenèus, mos amien a pensar qu'ei eth moment de prepausar ua naua orientacion deth torisme enes Pirenèus, que sigue sostenible e que respècte eth patrimòni e as sòns abitants.

Er ecotorisme ei ua eirina entà desvolopar aguesta naua direccion basada enes pilèrs economics, socials, mieambientaus e culturaus d'un territòri. Aguesta dimension social, mieambientau e culturau constituís ua riquesa qu'ei de besonh preservar e desvolopar en benefici de toti es actors deth territòri. Ath madeish temps, er ecotorisme tanben a de basar-se en valors umanistes e de cooperacion.

Es projèctes d'ecotorisme an de refortilhar esperiències viuenciaus de qualitat, que a nivèu uman, oferisquen un apropament sensible ath territòri e ara sua autenticitat pirenenca. Aguesta aufèrta a de dirigir-se a un public çò mès ample possible damb un objèctiu inclusiu (persones damb diuersitat foncionau, sociauments desfavorides, eca.) e integrar era preservacion dera biodiversidad e eth cambi climatic. Afècte a toti es territòris dera sarrada pirenenca, siguen protegides o non. A d'èster dotat d'un metòde d'avaloracion e d'indicadors rigorosi e compartidi.

Er ecotorisme permet comprèner es rèptes deth torisme, en tot garantir era sostenibilitat des recorsi, eth patrimòni e era interaccion umana entre es visitants, es professionaus deth sector toristic e era poblacion locau.

➤ CREAR UA AUFÈRTA COERENTA TRANSVERSAU

Era aufèrta de torisme responsable e sostenible a d'èster especiuaments rigorosa ara ora d'auer en compte es aspèctes socials, culturaus e mieambientaus. Es servicis aufridi an de realizar-se de forma coerenta, tant enes lòcs e equipaments d'acuèlhuda des visitants (lotjament, restauracion, eca.) coma pendent es activitats prepausades, en desparièrs nivèus deth territòri.

Er ecotorisme a ua fòrta dimension educatiua. Se base tant ena ejemplaridad des solucions prepausades coma ena coerècia des punts d'enguarda prenudi entath sòn desvolopament. Es accions implementades enes projèctes d'ecotorisme an de beneficiar as abitants, en tot trabalhar per un desvolopament vertuós des territòris qu'intègre es rèptes dera transicion ecologica.

Aguest (enfoc) punt d'enguarda, a d'èster transversau e inclodir a tot eth sector toristic. Non a de comprèner-se coma un nau sector elitista e compartimentat en contraposicion ath nomenat torisme de masses.





Era motivacion des territòris entà estructurar ua auferça d'ecotorisme a diuèrsi objectius:

- reduir er impacte deth torisme en entorn naturau
- actuar coma actor responsable e comprometet damb eth territòri entà garantir ua auferça sostenible sense maumèter eth territòri.
- beneficiar-se d'aguesta imatge positiva.

➤ ECOTORISME EN ZÒNES DE MONTANHA: TORISME SOSTENIBLE

Preveir ua transicion entà ua auferça d'ecotorisme ampla e sostenible enes Pirenèus requerís trabalhar a desparièrs nivèus: damb era poblacion locau e es sòns representants, damb es professionaus deth torisme e damb es usatgèrs (toristes, visitants e viatgèrs) que vien as nòsti territòris


- ✓ **Fomentar er empoderament d'iniciatiues per part dera poblacion locau:**
 - En tot implicar-les ena eleccion des lòcs e elements d'interès de cada territòri que cau mèter en valor e en desenvolopament de productes ecoturísticos que se'n deriven.
 - En tot generar procèssi de democracia participatiua entà aumentar era apropiacion de prepauses ecoturístiques.
 - En tot crear indicadors e critèris de sostenibilitat compartida e adaptada entà garantir era sostenibilitat des objèctius social, mieambientau e culturau der ecotorisme.
- ✓ **Refortilhar era coerència des productes prepausadi damb es professionaus deth torisme:**
 - En tot includir enes practiques professionaus era actualizacion d'informacion e era formacion contínua relativa, per un costat, as rèptes deth territòri, per d'aute, as bones practiques en matèria de transicion ecologica e, fin finau, as practiques innovadores e participatives en matèria de patrimòni e sensibilizacion territoriala.
 - En tot desssenhar productes de descubèrta vivenciau qu'agen en compte es aspèctes socials e mieambientaus.
- ✓ **Concienciar as usatgèrs (toristes, visitants, viatgèrs) abantes e dempús dera activitat:**
 - En tot aumentar era sua coneishença deth contèxt social, mieambientau e culturau dera destinacion toristica.
 - En tot promòir es aportacions de toti es implicadi a un modèu de desenvolopament sostenible.
 - En tot basar era comunicacion toristica deth territòri en aguesti ahèrs e vertuts des plantejaments ecoturísticos.

➤ ECOTORISME E CONSERVACION DETH PATRIMÒNI

Eth torisme ei un motor socioeconomic essenciau enes Pirenèus e se s'enquadre en objèctius sostenibles e responsables, ei ua activitat que pòt generar, e afavorir, comportaments e recorsi compatibles damb era conservacion e melhora deth patrimòni.

Er ecotorisme represente aguest punt d'enguarda vertuós que simbolize era solidaritat entre era espècia umana e eth rèste d'espècies, sustot a trauès deth respècte deth dret ara existència des èssers viui e es ecosistèms. Per açò, ei de besonh emprèner un procès de reflexion, damb toti es actors e responsables, entà definir era capacitat de carga de cada territòri, identificar es zònes fragiles o es periòdes sensibles e, en quauqui lòcs sensibles dera sarrada, fomentar era acceptacion dera renòncia as activitats enes nomentades zònes e/o en determinadi moments.

Abantes de desenvolopar ua activitat concrèta, ei important garantir es condicions de sostenibilitat deth patrimòni, qu'ei er atractiu der ecotorisme. Era apropiacion deth patrimòni per part des persones son claus entara sua conservacion sostenible.





Entà fomentar aguest empoderament e, per tant, era conservacion deth patrimòni, ei essenciau dar a conèisher es desparièrs valors d'aguest auviatge: etics, estetics, ecosistemics e socioeconomics.

Er ecotorisme pòt, alavetz, convertir-se en un estrument clau de conservacion. Per açò, se favorirà era educacion entara descubèrta vivenciau e se contribuirà a refortilhar e desvelhar era autenticidad des Pirenèus.

➤ **ECOTORISME E EDUCACION AMBIENTAU: ERA FORMA D'EDUCAR ENTÀ UN CAMBI DE COMPORAMENT**

Er ecotorisme ei un airau excepcionau d'intervencion e experimentacion deuant dera creishenta demana sociau. Es expectatives e eth perfil des nauí visitants des montanhes a cambiat. En grana mesura, desconeishen era realitat deth pròpri territòri, eth contèxt dera tèrra, es practiques forestaus e ramaderes tradicionaus, era valor e era fragilitat des entorns naturaus, eca.

Damb accompagnement, aguesti nauí usatgèrs dera montanha pòden èster conscients deth contèxt deth territòri.

Era educacion en entorn actue coma vector entà arténher aguesta experiéncia sensibla, ei un camp d'innovacion educatiu, que partís d'elements concrets deth patrimòni, entà acompanhar-les entà ua vision més globau e transformadora. Eth punt d'enguarda ecoturístic permet dar a conèisher eth territòri e es sues dimensions patrimonius. Era valorizacion e era coneishença d'aguest patrimòni territoriau, compartit per toti e totes es agents, ei era matèria prumèra dera riquesa d'un territòri, motor essenciau der atractiu turistic. Entà èster eficaç, aguesta mediacion a de centrar-se en çò de reau, era descubèrta, era emocion, er arrir e er estonament compartit. A d'èster desirable. Luenh dera sua vida vidanta, es destinataris son en disposicion de descorbir e experimentar eth territòri. Aguesta motivacion ei era clau entà desacadiar era consciéncia e era accion entath cambi: un cercle vertuós que beneficia a toti.

www.repv.org
contact@repv.org

